

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 51. Pravilnika o licencama – prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju, održanoj 13. juna 2019. godine, donijeta je

ODLUKA
O UKIDANJU PRIVREMENE LICENCE ZA OBAVLJANJE DJELATNOSTI
MEĐUNARODNE TRGOVINE ELEKTRIČNOM ENERGIJOM

1. Ukida se privremena licenca za obavljanje djelatnosti međunarodne trgovine električnom energijom, izdata Društvu "Vitol Adriatik" d.o.o. Sarajevo Odlukom Državne regulatorne komisije za električnu energiju broj 05-28-12-400-17/17 od 13. marta 2018. godine, na zahtjev vlasnika licence.
2. Ova odluka stupa na snagu danom donošenja, a dispozitiv odluke će biti objavljen u "Službenom glasniku BiH" i službenim glasilima entiteta.

Obrazloženje

Društvu "Vitol Adriatik" d.o.o. Sarajevo je Odlukom Državne regulatorne komisije za električnu energiju (u daljnjem tekstu: DERK) broj 05-28-12-400-17/17 od 13. marta 2018. godine, izdata privremena licenca za obavljanje djelatnosti međunarodne trgovine električnom energijom, na period od 24. marta 2018. godine do 23. marta 2020. godine.

"Vitol Adriatik" se, putem ovlaštenog punomoćnika osnivača Društva – advokata Samre Hadžović iz Sarajeva, 14. maja 2019. godine obratio DERK-u sa zahtjevom za ukidanje posjedujuće licence jer je donesena odluka upravljačkih struktura o prestanku daljnjeg rada i likvidaciji Društva.

S obzirom da je podneseni zahtjev bio nepotpun jer nije dostavljen dokaz o uplati naknade za rješavanje zahtjeva, kao i činjenicu da Društvo nije izmirilo naložene obaveze po osnovu regulatorne naknade, a prestalo je sa radom, na inicijativu DERK-a izdata licenca je suspendirana Odlukom broj 05-18-12-174-4/19 od 16. maja 2019. godine.

U međuvremenu je ranije podneseni zahtjev za ukidanje licence upotpunjen dokazima o izvršenoj uplati koja obuhvata naknadu za rješavanje zahtjeva za ukidanje licence i dugovanja po osnovu regulatorne naknade. Imajući to u vidu, a polazeći od činjenice da je vlasnik licence slobodan da u skladu sa svojim poslovnim interesima disponira pravom da u potpunosti prestane sa radom, to je, na osnovu člana 51. stav 1. tačka a) Pravilnika o licencama, odlučeno kao u dispozitivu ove odluke.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-174-10/19

13. juna 2019. godine

Tuzla

Predsjedavajući Komisije

Milorad TUŠEVLJAK